



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏՆՏԵՍԱԿԱՆ ՄՐՑԱԿՑՈՒԹՅԱՆ
ՊԱՇՏՊԱՆՈՒԹՅԱՆ ՊԵՏԱԿԱՆ ՀԱՆՁՆԱԺՈՂՈՎ

Ո Ր Ո Շ ՈՒ Մ

22 սեպտեմբերի 2010 թվականի
թիվ 247-Ա, քաղաք Երևան

«ՆՈՐԲ» ՏԵՂԵԿԱՏՎԱՎԵՐԼՈՒԾԱԿԱՆ ԿԵՆՏՐՈՆ» ՓԱԿ ԲԱԺՆԵՏԻՐԱԿԱՆ
ԸՆԿԵՐՈՒԹՅԱՆԸ ՄԵՆԱՇՆՈՐՀ ԴԻՐՔ ՈՒՆԵՑՈՂ ՀԱՄԱՐԵԼՈՒ ՄԱՍԻՆ

Հայաստանի Հանրապետության տնտեսական մրցակցության պաշտպանության պետական հանձնաժողովը (այսուհետ՝ Հանձնաժողով) «Նորբ» տեղեկատվավերլուծական կենտրոն» փակ բաժնետիրական ընկերության (այսուհետ նաև՝ Ընկերություն) ներկայացուցչի մասնակցությամբ, 2010 թվականի սեպտեմբերի 22-ի դռնբաց նիստում քննարկեց Հայաստանի Հանրապետության աշխատանքի և սոցիալական հարցերի նախարարության (այսուհետ նաև՝ Նախարարություն) գրության հիման վրա Ընկերությանը մի շարք ապրանքային շուկաներում մենաշնորհ դիրք ունեցող համարելու վերաբերյալ հարցը:

Քննարկման րնթացքում Հանձնաժողովն ամրագրեց հետևյալը:

Հանձնաժողովի 2005 թվականի հունիսի 1-ի «Նորբ» տեղեկատվավերլուծական կենտրոն» փակ բաժնետիրական ընկերությանը գերիշխող դիրք ունեցող համարելու մասին» թիվ 55-Ա որոշմամբ Ընկերությունը «Հաշմանդամների մատուցվող ծառայությունների ծրագրի շրջանակներում հաշմանդամների տվյալների բազայի շահագործման և սպասարկման ծառայությունների ձեռքբերում», «Սոցիալական աջակցության ծառայությունների ծրագրի շրջանակներում ընտանեկան նպաստի տվյալների բազայի շահագործման և սպասարկման ծառայությունների ձեռքբերում», «Զբաղվածության ծառայությունների ծրագրի շրջանակներում իրականացվող գործազուրկների տվյալների բազայի շահագործման և սպասարկման ծառայությունների» «Գործ» համակարգի ձեռքբերում» ապրանքային շուկաներում 2004 թվականի տվյալներով համարվել է գերիշխող դիրք ունեցող (չունի մրցակից) և գրանցվել գերիշխող դիրք ունեցող տնտեսվարող սուբյեկտների կենտրոնացված գրանցամատյանում (ռեեստրում):

Հայաստանի Հանրապետության աշխատանքի և սոցիալական հարցերի նախարարության 2010 թվականի օգոստոսի 30-ի թիվ ԱԳԳ /ԷԳ.1/ 3397-10 գրությամբ ներկայացված տեղեկատվության համաձայն սոցիալական ապահովության բարտերի համակարգի վարման, սպասարկման և տեղեկատվության տրամադրման ծառայությունների ոլորտում Ընկերությունը սուբսիդիայի պայմանագրով 2004 թվականից սկսած յուրաքանչյուր տարի մատուցում է սոցիալական ապահովության բարտ ստանալու համար դիմած

քաղաքացիների և սոցիալական ապահովության քարտ ստանալուց հրաժարվող քաղաքացիների տվյալների մշակման և մուտքագրման ծառայություններ, իրականացնում սոցիալական ապահովության քարտերի տեղեկատվական բազայի՝ այդ թվում նաև տեղեկանքներից հրաժարված քաղաքացիների բազայի վարում, սպասարկում և տեղեկատվության տրամադրում, ինքնաշխատ տեղեկատվական բազաներում կիրառվող քաղաքացիների սոցիալական ապահովության քարտերի համարների հավաստիության ճշտման ու տվյալների փոփոխությունն ապահովող համակարգի վարում, սպասարկում և տեղեկատվության տրամադրում: Ընկերության կողմից կատարված աշխատանքների և մատուցված ծառայությունների ծավալը 2009 թվականի ընթացքում կազմել է 146 539,7 հազար դրամ:

Երեխայի ծննդյան և խնամքի համար տրամադրվող նպաստների համակարգի վարման, սպասարկման և տեղեկատվության տրամադրման ծառայությունների ոլորտում Ընկերությունը սուբսիդիայի պայմանագրով 2007 թվականից սկսած յուրաքանչյուր տարի իրականացնում է՝ երեխաների ծննդյան միանվագ և մինչև երկու տարեկան երեխաների խնամքի նպաստների տեղեկատվական համակարգի միջոցով «Պետական նպաստների մասին» Հայաստանի Հանրապետության օրենքով և օրենսդրական այլ ակտերով սահմանված կարգով նպաստ ստանալու համար սոցիալական ծառայություններ տրամադրող տարածքային գործակալություններ դիմած անձանց, նրանց երեխաների հաշվառումը, նպաստի իրավունքի ամրագրումը, վճարման ցուցակների տպագրությունը: Ընկերության կողմից կատարված աշխատանքների և մատուցված ծառայությունների ծավալը 2009 թվականի ընթացքում կազմել է 9 454,9 հազար դրամ:

Դժվարին իրավիճակներում գտնվող երեխաների տվյալների «Մանուկ» տեղեկատվական համակարգի վարման, սպասարկման և տեղեկատվության տրամադրման ծառայությունների ոլորտում Ընկերությունը սուբսիդիայի պայմանագրով 2006 թվականից սկսած յուրաքանչյուր տարի իրականացնում է դժվարին իրավիճակներում գտնվող երեխաների տվյալների «Մանուկ» տեղեկատվական համակարգի Հայաստանի Հանրապետության աշխատանքի և սոցիալական հարցերի նախարարության համակարգի մանկատներում խնամվող երեխաների, որդեգրումների և առանց ծնողական խնամքի մնացած երեխաների անձնական տվյալների հաշվառում, որը ձևավորվում է մանկատների, իսկ որդեգրումների դեպքում համապատասխան լիազորված մարմիններից, մարզպետարանների (Երևանի քաղաքապետարանի) երեխաների իրավունքների պաշտպանության բաժիններից ստացվող տեղեկատվության հիման վրա: Ընկերության կողմից կատարված աշխատանքների և մատուցված ծառայությունների ծավալը 2009 թվականի ընթացքում կազմել է 15 234,7 հազար դրամ:

Նախկին ԽՍՀՄ Խնայքանկի ԽՍՀՄ հանրապետական բանկում մինչև 1993 թվականի հունիսի 10-ը ներդրված դրամական ավանդների դիմաց փոխհատուցման տեղեկատվական համակարգի վարման, սպասարկման և տեղեկատվության տրամադրման ծառայությունների ոլորտում Ընկերությունը սուբսիդիայի պայմանագրով 2006 թվականից սկսած յուրաքանչյուր տարի իրականացնում է՝ ՎՏԲ բանկում նախկին ԽՍՀՄ Խնայքանկի ԽՍՀՄ հանրապետական բանկի ավանդատուների ավանդների փոխհատուցման

(այսուհետ՝ ավանդի փոխհատուցման) տեղեկատվական համակարգի միջոցով Հայաստանի Հանրապետության օրենսդրությամբ, Հայաստանի Հանրապետության կառավարության 2006 թվականի մարտի 16-ի «Նախկին ԽՍՀՄ Խնայքանկի ԽՍՀՄ հանրապետական բանկում մինչև 1993 թվականի հուլիսի 10-ը ներդրած դրամական ավանդների դիմաց փոխհատուցման տրամադրման կարգը հաստատելու մասին» թիվ 352-Ն որոշմամբ սահմանված կարգով ավանդի փոխհատուցման համար սոցիալական ծառայությունների տարածքային գործակալություններ դիմած քաղաքացիների հաշվառումը, ավանդի փոխհատուցման իրավունքի, չափի, ինչպես նաև դրանց տպագրությունը և վճարումից հետո տվյալների ամփոփումը: Ընկերության կողմից կատարված աշխատանքների և մատուցված ծառայությունների աշխատանքների ծավալը 2009 թվականի ընթացքում կազմել է 14 634,7 հազար դրամ:

Բարեգործական ծրագրերի հաշվառման տեղեկատվական համակարգի վարման, սպասարկման և տեղեկատվության տրամադրման ծառայությունների ոլորտում Ընկերությունը սուբսիդիայի պայմանագրով 2009 թվականին իրականացրել է տեղեկատվական համակարգի միջոցով Հայաստանի Հանրապետության կառավարության բարեգործական ծրագրերի համակարգման հանձնաժողովի կողմից սոցիալական ոլորտում բարեգործական որակված ծրագրերի և նրանց շահառուների հաշվառում, որոնց հիման վրա իրականացվում են վերլուծություններ, հաշվետվություններ, բարեգործական ծրագրերի շրջանակներում աջակցությունից օգտվողների հաշվառում, քաղաքացիների անհատական տվյալների մուտքագրում համակարգ, որոնք կիրառվում են ոլորտում քաղաքականության մշակման գործընթացում: Ընկերության կողմից կատարված աշխատանքների և մատուցված ծառայությունների աշխատանքների ծավալը 2009 թվականի ընթացքում կազմել է 5 220,2 հազար դրամ:

Հայաստանի Հանրապետության աշխատանքի պետական տեսչության տեղեկատվական համակարգի վարման, սպասարկման և տեղեկատվության տրամադրման ծառայությունների ոլորտի շրջանակներում Ընկերությունը սուբսիդիայի պայմանագրով 2009 թվականին իրականացրել է՝ Հայաստանի Հանրապետության աշխատանքի և սոցիալական հարցերի նախարարության աշխատանքի պետական տեսչության գործունեության իրականացման համար խիստ անհրաժեշտ տեղեկատվության հավաքագրում, դրա հիման վրա հաշվետվություններ և վերլուծություններ, տեղեկատվական համակարգի ստեղծում, որի շահագործումը օժանդակում է աշխատանքի պետական տեսչության կողմից իրականացվող գործողությունների արդյունավետ կազմակերպմանը: Ընկերության կողմից կատարված աշխատանքների և մատուցված ծառայությունների ծավալը 2009 թվականի ընթացքում կազմել է 5 658,0 հազար դրամ:

Վերոնշյալ ոլորտների աշխատանքների և ծառայությունների համատեղ և միաժամանակյա իրականացումը մեկ տնտեսվարող սուբյեկտի կողմից հնարավորություն է տալիս ապահովել սոցիալական ոլորտում պետական միասնական համակարգ, որի պատվիրատուն է հանդիսանում Հայաստանի Հանրապետության աշխատանքի և սոցիալական հարցերի նախարարությունը: 3-նորաքանչյուր ոլորտ խիստ տարբեր է և կազմակերպվում է ինքնուրույն, կատարվող աշխատանքները զգալիորեն նպաստում են սոցիալական ոլորտում իրականացվող քաղաքականության արդյունավետության բարձրացմանը:

Հանձնաժողովի կողմից իրականացված ուսումնասիրությունների, ինչպես նաև Հայաստանի Հանրապետության աշխատանքի և սոցիալական հարցերի նախարարի 2010 թվականի օգոստոսի 30-ի թիվ ԱԳԳ /ԷԳ.1/ 3397-10 գրության համաձայն Ընկերությունը հանդիսանում է նշված ոլորտներում գործունեություն իրականացնող միակ տնտեսվարող սուբյեկտը:

Փաստորեն «Սոցիալական ապահովության քարտերի համակարգի վարման, սպասարկման և տեղեկատվության տրամադրման ծառայություններ» ապրանքային շուկայի ապրանքատեսակային սահման է հանդիսանում սոցիալական ապահովության քարտերի համակարգի վարման, սպասարկման և տեղեկատվության տրամադրման ոլորտում կատարվող աշխատանքները և մատուցվող ծառայությունները, իսկ աշխարհագրական սահման՝ Հայաստանի Հանրապետության տարածքը, «Երեխայի ծննդյան և խնամքի համար տրամադրվող նպաստների համակարգի վարման, սպասարկման և տեղեկատվության տրամադրման ծառայություններ» ապրանքային շուկայի ապրանքատեսակային սահման է հանդիսանում երեխայի ծննդյան և խնամքի համար տրամադրվող նպաստների համակարգի վարման, սպասարկման և տեղեկատվության տրամադրման ոլորտում կատարվող աշխատանքները և մատուցվող ծառայությունները, իսկ աշխարհագրական սահման՝ Հայաստանի Հանրապետության տարածքը, «Դժվարին իրավիճակներում գտնվող երեխաների տվյալների «Մանուկ» տեղեկատվական համակարգի վարման, սպասարկման և տեղեկատվության տրամադրման ծառայություններ» ապրանքային շուկայի ապրանքատեսակային սահման է հանդիսանում դժվարին իրավիճակներում գտնվող երեխաների տվյալների «Մանուկ» տեղեկատվական համակարգի վարման, սպասարկման և տեղեկատվության տրամադրման ծառայությունների ոլորտում իրականացվող աշխատանքները (ծառայությունները), իսկ աշխարհագրական սահման՝ Հայաստանի Հանրապետության տարածքը, «Նախկին ԽՍՀՄ Խնայրանկի ԽՍՀՄ հանրապետական բանկում մինչև 1993 թվականի հունիսի 10-ը ներդրված դրամական ավանդների դիմաց փոխհատուցման տեղեկատվական համակարգի վարման, սպասարկման և տեղեկատվության տրամադրման ծառայություններ» ապրանքային շուկայի ապրանքատեսակային սահման է հանդիսանում նախկին ԽՍՀՄ Խնայրանկի ԽՍՀՄ հանրապետական բանկում մինչև 1993 թվականի հունիսի 10-ը ներդրված դրամական ավանդների դիմաց փոխհատուցման տեղեկատվական համակարգի վարման, սպասարկման և տեղեկատվության տրամադրման ոլորտում իրականացվող աշխատանքները (ծառայությունները), իսկ աշխարհագրական սահման՝ Հայաստանի Հանրապետության տարածքը, «Բարեգործական ծրագրերի հաշվառման տեղեկատվական համակարգի վարման, սպասարկման և տեղեկատվության տրամադրման ծառայություններ» ապրանքային շուկայի ապրանքատեսակային սահման է հանդիսանում բարեգործական ծրագրերի հաշվառման տեղեկատվական համակարգի վարման, սպասարկման և տեղեկատվության տրամադրման ոլորտում կատարվող աշխատանքները և մատուցվող ծառայությունները, իսկ աշխարհագրական սահման՝ Հայաստանի Հանրապետության տարածքը, «Հայաստանի Հանրապետության աշխատանքի պետական տեսչության տեղեկատվական համակարգի վարման, սպասարկման և տեղեկատվության տրամադրման ծառայություններ» ապրանքային շուկայի ապրանքատեսակային սահման է հանդիսանում Հայաստանի Հանրապետության

աշխատանքի պետական տեսչության տեղեկատվական համակարգի վարման, սպասարկման և տեղեկատվության տրամադրման ոլորտում կատարվող աշխատանքները և մատուցվող ծառայությունները, իսկ աշխարհագրական սահման՝ Հայաստանի Հանրապետության տարածքը:

Համաձայն «Տնտեսական մրցակցության պաշտպանության մասին» Հայաստանի Հանրապետության օրենքի (այսուհետ՝ Օրենք) 6-րդ հոդվածի 1-ին մասի՝ տնտեսվարող սուբյեկտն ապրանքային շուկայում համարվում է մենաշնորհ դիրք ունեցող, եթե որպես իրացնող (ձեռքբերող) չունի մրցակից: Հետևաբար, ««Նորք» տեղեկատվավերլուծական կենտրոն» փակ բաժնետիրական ընկերությունը նշված ապրանքային շուկաներում հանդիսանում է մենաշնորհ դիրք ունեցող:

Օրենքի 6-րդ հոդվածի 6-րդ մասի համաձայն՝ տնտեսվարող սուբյեկտն ապրանքային շուկայում գերիշխող դիրք ունեցող տնտեսվարող սուբյեկտների կենտրոնացված գրանցամատյանում (ռեեստրում) գրանցվում, ինչպես նաև այդ դիրքը կորցնելու դեպքում՝ գրանցումից հանվում է Հանձնաժողովի որոշմամբ:

Ելնելով վերոգրյալից և հիմք ընդունելով «Տնտեսական մրցակցության պաշտպանության մասին» Հայաստանի Հանրապետության օրենքի 6-րդ հոդվածի 1-ին մասը, 6-րդ հոդվածի 6-րդ մասը, 19-րդ հոդվածի առաջին մասի «ա» և «թ» կետերը, Հանձնաժողովը՝

ո ր ո շ ու մ է

1. «Սոցիալական ապահովության քարտերի համակարգի վարման, սպասարկման և տեղեկատվության տրամադրման ծառայություններ» ապրանքային շուկայի ապրանքատեսակային սահման ճանաչել սոցիալական ապահովության քարտերի համակարգի վարման, սպասարկման և տեղեկատվության տրամադրման ոլորտում իրականացվող աշխատանքները (ծառայությունները), իսկ աշխարհագրական սահման՝ Հայաստանի Հանրապետության տարածքը:

2. «Երեխայի ծննդյան և խնամքի համար տրամադրվող նպաստների համակարգի վարման, սպասարկման և տեղեկատվության տրամադրման ծառայություններ» ապրանքային շուկայի ապրանքատեսակային սահման ճանաչել երեխայի ծննդյան և խնամքի համար տրամադրվող նպաստների համակարգի վարման, սպասարկման և տեղեկատվության տրամադրման ոլորտում իրականացվող աշխատանքները (ծառայությունները), իսկ աշխարհագրական սահման՝ Հայաստանի Հանրապետության տարածքը:

3. «Դժվարին իրավիճակներում գտնվող երեխաների տվյալների «Մանուկ» տեղեկատվական համակարգի վարման, սպասարկման և տեղեկատվության տրամադրման ծառայություններ» ապրանքային շուկայի ապրանքատեսակային սահման ճանաչել դժվարին իրավիճակներում գտնվող երեխաների տվյալների «Մանուկ» տեղեկատվական համակարգի վարման, սպասարկման և տեղեկատվության տրամադրման ոլորտում իրականացվող աշխատանքները (ծառայությունները), իսկ աշխարհագրական սահման՝ Հայաստանի Հանրապետության տարածքը:

4. «Նախկին ԽՍՀՄ Խնայքանկի ԽՍՀՄ հանրապետական բանկում մինչև 1993 թվականի հունիսի 10-ը ներդրված դրամական ավանդների դիմաց փոխհատուցման տեղեկատվական համակարգի վարման, սպասարկման և

տեղեկատվության տրամադրման ծառայություններ» ապրանքային շուկայի ապրանքատեսակային սահման ճանաչել նախկին ԽՍՀՄ Խնայրանկի ԽՍՀՄ հանրապետական բանկում մինչև 1993 թվականի հունիսի 10-ի ներդրված դրամական ավանդների դիմաց փոխհատուցման տեղեկատվական համակարգի վարման, սպասարկման և տեղեկատվության տրամադրման ոլորտում իրականացվող աշխատանքները (ծառայությունները), իսկ աշխարհագրական սահման՝ Հայաստանի Հանրապետության տարածքը:

5. «Բարեգործական ծրագրերի հաշվառման տեղեկատվական համակարգի վարման, սպասարկման և տեղեկատվության տրամադրման ծառայություններ» ապրանքային շուկայի ապրանքատեսակային սահման ճանաչել բարեգործական ծրագրերի հաշվառման տեղեկատվական համակարգի վարման, սպասարկման և տեղեկատվության տրամադրման ոլորտում իրականացվող աշխատանքները (ծառայությունները), իսկ աշխարհագրական սահման՝ Հայաստանի Հանրապետության տարածքը:

6. «Հայաստանի Հանրապետության աշխատանքի պետական տեսչության տեղեկատվական համակարգի վարման, սպասարկման և տեղեկատվության տրամադրման ծառայություններ» ապրանքային շուկայի ապրանքատեսակային սահման ճանաչել Հայաստանի Հանրապետության աշխատանքի պետական տեսչության տեղեկատվական համակարգի վարման, սպասարկման և տեղեկատվության տրամադրման ոլորտում իրականացվող աշխատանքները (ծառայությունները), իսկ աշխարհագրական սահման՝ Հայաստանի Հանրապետության տարածքը:

7. ««Նորք» տեղեկատվավերլուծական կենտրոն» փակ բաժնետիրական ընկերությամբ «Սոցիալական ապահովության բարտերի համակարգի վարման, սպասարկման և տեղեկատվության տրամադրման ծառայություններ», «Երեխայի ծննդյան և խնամքի համար տրամադրվող նպաստների համակարգի վարման, սպասարկման և տեղեկատվության տրամադրման ծառայություններ», «Դժվարին իրավիճակներում գտնվող երեխաների տվյալների «Մանուկ» տեղեկատվական համակարգի վարման, սպասարկման և տեղեկատվության տրամադրման ծառայություններ», «Նախկին ԽՍՀՄ Խնայրանկի հանրապետական բանկում մինչև 1993 թվականի հունիսի 10-ը ներդրված դրամական ավանդների դիմաց փոխհատուցման տեղեկատվական համակարգի վարման, սպասարկման և տեղեկատվության տրամադրման ծառայություններ», «Բարեգործական ծրագրերի հաշվառման տեղեկատվական համակարգի վարման, սպասարկման և տեղեկատվության տրամադրման ծառայություններ» և «Հայաստանի Հանրապետության աշխատանքի պետական տեսչության տեղեկատվական համակարգի վարման, սպասարկման և տեղեկատվության տրամադրման ծառայություններ» ապրանքային շուկաներում 2009 թվականի տվյալներով համարել մենաշնորհ դիրք ունեցող (որպես իրացնող (ձեռքբերող) չունի մրցակից) և գրանցել ապրանքային շուկայում գերիշխող դիրք ունեցող տնտեսվարող սուբյեկտների կենտրոնացված գրանցամատյանում (ռեեստրում):

8. Սույն որոշումն ուժի մեջ է մտնում դրա պատճենը ««Նորք» տեղեկատվավերլուծական կենտրոն» փակ բաժնետիրական ընկերությանը հանձնելու հաջորդող օրվանից:

9. Սույն որոշումը կարող է բողոքարկվել վարչական կարգով՝ ուժի մեջ մտնելու պահից 10-օրյա ժամկետում: Սույն որոշումը կարող է բողոքարկվել

դատական կարգով՝ վարչական բողոքի քննարկման արդյունքներին համաձայն չլինելու դեպքում՝ բողոքի վերաբերյալ որոշումն ուժի մեջ մտնելու պահից մեկամսյա ժամկետում, իսկ վարչական բողոք չլինելու դեպքում՝ ուժի մեջ մտնելուց հետո մեկամսյա ժամկետում:



Ա. ՇԱԲՈՅԱՆ